



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Thesavrvs Sacrorvm Ritvvm, Sev Commentaria In Rvbricas Missalis, Et Breviarii Romani.**

In quibus origo cuiusque Ritus, causae historicae, vel mysticae, ex  
maiorum ingenio, Theoria, Praxis, obligatio, & exquisitus vsus, additis  
opportune Decretis omnibus S. Rituum Congreg. quàm breuissimè  
explicantur.

**Gavanti, Bartolommeo**

**Venetiis, 1647**

De Festis SS. Mense Martio. 5.

**urn:nbn:de:hbz:466:1-9521**

& Sacramentario Gregorian. Simplex 1550. & nullam Lectionem habet in Breuiarijs M.S. neque apud nos.

15. Faustini, & Iouita, Appendix Gregor. Simplex in Breu. 1550.

18. Simeonis. in Breu. Vatic. volum. 4751.

22. Cathedra S. Petri Antioch. in Comite Hieron. Antiphonario Gregor. & in eiusdem Sacramentario; ubi additur (in Roma) in editione scilicet Romana; non autem in Pameliana. Dictum fuit Festum S. Petri Epularum, quia vinum, & epulae offerebantur pro mortuis, Ioan. Belet h. c. 93. Semidupl. apud Duran. loco cit. Duplex ex consuetudine generali apud Radulph. *propof. cit.* officium vel à S. Gregorio, vel à Gelasio, ex Ordine Romano conijcitur. Orationis Auctor S. Leo II. ex Duran. *lib. 7. c. 15.* Homiliam S. Leonis addidit, & haberi Duplex maius iussit Clem. VIII. notat Belet h. *loc. cit.* sub nomine Antiochenae comprehensam fuisse etiam Romanam Cathedralam suo tempore; nunc distinguuntur. Si concurrat hoc Festum cum Dominica Sexagesimae, vt in Tabulis nostris 20. 30. nihil refert, dici bis Orationem de S. Paulo sub diuersa ratione formalis, de qua Vide in Tom. 1. par. 4. tit. 4. num. 15.

2. Vigilia S. Matthiae. eadem, quae de Vigilia S. Andreae. officium a Pio V. Si dies sequens fuerit Fer. 4. Cinctum, & ideo transferatur Festum Sancti Matthiae in Feriam 5. eo casu in secundis Vesperis Vigiliæ dicuntur Preces feriales cum Oratione Dominicæ, non Vigiliæ, vt in Rubricis generalibus, *tit. de Precibus n. 5.* Vide supra pag. 77. n. 10. & quia casus est singularis huius loci proprius, ideo & hoc loco adnotauimus. In Anno Bissextili in lectione Martyrologij transferatur pronuntiatio huius Vigiliæ, & Festi sequentis, vt dicitur in eodem Martyrologio. Si Vigilia S. Matthiae incidat in vltimum diem Bacchanalium potest Episcopus transferre ieiunium in Sabbatum præcedens, ne violetur ieiunium. Diana 3. part. tract. 5. Miscel. ref. 66.

24. Matthiae. vti diximus de S. An-

drea, quoad originem Festi. habetur in Sacramentario Gregorij. Duplex à Bonifacio VIII. Pius V. addidit Euangelium cum Homilia, & Lectiones secundi Noct. mutauit. quod autem in bissextili Anno fiat officium die sequenti 25. Alex. III. præcepit, *de verb. signific. c. 14.* concionem de S. Matthia habuit Berno. Secreta Missæ alia est in Sacrament. Gregor.

Circumfertur officium Sancti Conradi 19. Februarij, & quod peius est, Venetijs intra Breuiarium impressum est, sine Decreto Sacræ Rituum Congregat. quæ illud concessit Placentinis & Nettinis in Sicilia tantum, sub ritu Semidupl. 19. Maij 1614. deinde ab Urbano VIII. etiam Ordini Minorum S. Francisci die 13. Septembr. 1625. quocirca non est cuique datum illud recitare; neque fuit ad libitum concessum.

#### De Festis Sanctorum Mense Martio. Cap. V.

Festa Sanctorum in Quadragesima antiquis non celebrabantur; quem ritum retinet mordicus Ecclesia Ambrosiana. longè tamén ante Micrologum cepta sunt coli in Quadragesima, vt idem significat c. 48.

4. Casimiri, extrat decretum, Paulo V. Pontifice, Sacræ Rituum Congregationis, quod fiat Semiduplex, die 23. Ianuarij 1621. officium autem sub Clem. VIII. fuerat editum pro Regno Poloniæ; deinde à Paulo V. ad vsum communem approbatum fuit, die 7. Augusti 1621. In lectione Martyrologij legatur primo loco, iuxta leges Martyrologij.

Lucii. in Appendice Gregoriana. restituit Clem. VIII. ob eiusdem corpus inuentum cum corpore SS. Valeriani & Tiburtii in Ecclesia Sanctæ Cæciliæ.

7. Thomæ Aquinatis. à Ioanne XXI. Anno 1323. vti Doctoris, à Pio V. 1567. Simplex in Breuiar. 1550. à Pio V. Duplex, cum officio. si transferatur, muratur tertius versus Hymni; *Iste confessor.*

Per-



Perpetuæ; & Felicitatis. S. August. in hoc Festo tres tractatus habuit, ex Possidio: & habetur Festum in calce Sacramentar. Greg. Simplex in M. S. & 1550. vt hodie.

9 Quadraginta Martyrum. Basilius, & Nyssenus Orationes habuere in eorum Festo. Manuel in tit. de Ferijs. in Appendice Greg. habetur Festum; Simplex in M. S. & 1550. Semidupl. à Pio V. cum officio.

12 Gregorij Papæ. in Sacramentar. Gregor. hac die, cui statim additum fuit in calce hoc Festum, post eius obitum; sed Orationes Missæ discordant à nostris in editione Romana; concordant in Pameliiana. In Septembri, quando fuit ordinatus die 3. Festum agebatur, ex Radul. *propof.* 17. eo tempore, quo in Quadragesima natalitia Sanctorum non colebantur: officium ab eiusdem successoribus statim, ex Schultingio. Duplex à Bonifac. VIII. si transferatur, mutatur in Hymno, *Iste confessor*; tertius versus, quæ mutatio quoque fit, si transferantur sequentia Festa.

17 Partitij. ab Urbano VIII. in recognitione Breuiarij, sine Lectione, quia semper occurrit in Quadragesima, & in Martyrologio erit de eo legendum in primo loco.

19 Ioseph. in Append. Gregor. cum hoc tit. Nutritoris Domini. Renouauit Festum Sixtus IV. Præcepit diem populo Festum Greg. XV. cum Decreto Sac. Rituum Congregat. 8. *Maj* 1621. Duplex in Breu. 1550. Pius V. mutauit officium, quod primis erat totum de eodem propriissimum.

21 Ioachim à Gregor. XV. qui Duplici ritu celebrari iussit. 2. *Decembr.* 1622. officio approbato, die 18. *Martij* 1623. conuenit in Quadragesima legi Lectionem nonam additam octauæ, cum in ea contineatur summum priuilegium S. Ioachim, quod sit nimirum pater B. Virginis, & in huius rei gratiam legitur Euangelium de generatione Christi.

21 Benedicti. in calce Sacramentarij Greg. & intra Antiphonarium eiusdem, D. Barth. Gauant. Tom. II.

sed posterius est Gregor. ait ibidem Pamelius: & de generali consuetudine, Radulph. *propofit.* 17. qui & Semidup. asserit habuisse officium, quod durauit ultra annum 1521. vt ex Breu. eodem anno impresso constat. Duplex in Breu. 1550. vt hodie. officium est Gregorianum, vel; vt ait Schulting. à S. Bernardo, vel à Petro Damiani, vel Odone Floriacensi; aliud tamen officium Missæ habetur in Antiphonario Gregoriano, in mense Iulio.

25 Annunciationis B. Virg. Orationem habuit (creditur in eius Festum) S. Gregor. Taumaturgus, quam in Latinum transtulit Card. Sirletus, seu verius ex Notis Baronian. in Martyrologium, eo prodete Græcam, latinitati donauit Vulelmus Lindanus Ruremundensis Episcopus. meminit Festi S. Athanas. *enarratione de Deipara, quæ tamen videtur tribuenda Cyrillo, cum ibi pugnet auctor contra Nestorium.* Sexta Sydonus *cap.* 12. meminit Festi, tanquam antiqui, citata à Baron. in *not. Martyrolog.* S. August. sermonem de eadem habuit. S. item Petrus Chrysologus. Festum habetur in Sacramentario Gregoriano. Duplex apud Duran. *supra.* Lectiones primi Nocturni habentur eadem hodie, quæ in Ordine Romano. reliquum officium Schultingius Ildephonso tribuit. Orationes Missæ habentur in Sacramentario Gregoriano. Quid agendum sit, quando Festum hoc incidat in ultimo biduo maioris Hebdomadæ; An populus audire Missam teneatur: An queat communicare: diximus in primo Tomo, cum de ijs, quæ ad Missam spectant, *pagin.* 150. & 157. Si transferatur post Domin. in Albis, primæ Vesperæ erunt de Beata Virgine cum commemorat. Dominicæ.

De Festis Sanctorum mense Aprili.  
Cap. VI.

2 Francisci de Paula. in Missali Romano fuit an. 1557. restituit Sixtus V. 1585. qui & Duplex officium recitari iussit; quod mutatum quidè fuit in Semidupl. à Clem. VIII. ne officium Dominicæ

H 3 im-